

রক্তচোষা শায়লক

(খবর: বাংলাদেশের নব্য শায়লক রক্তচোষা এনজিও গুলো সিডরের ক্ষতিগ্রস্থ মানুষদের পাশে না দাড়িয়ে উল্টো তাদের কাছ থেকে চড়া মূল্যে সুদ আদায়ে তৎপর)

-আদনান সৈয়দ

পেটে মোর ভাত নেই
বাঁচা দায় জমিনে
সব মোর কেঁড়ে নিল
সিডর ঐ কমিনে ।

গরু ছিল বউ ছিল
সুখ ছিল বুকেতে
গরীবের ঘরখানি
ভরা ছিল সুখেতে

সবকিছু হারিয়ে
আমি এক নিঃশ্ব
সিডরের তান্ডবে
হতবাক বিশ্ব ।

সবকিছু হারিয়ে
ঘটি-বাটি কম্বল
সব শেষ আছে শুধু
ভিটাটাই সম্বল

এনজিও শালাদের
হররোজ উৎপাত
ভিটা দে, টাকা দে
দিব খেতে দুধভাত!!

দেখি শুধু শায়লক
বাংলার মাটিতে
রক্তটা চুষছে
কৃষকের ভাটিতে ।

পেটে মোর ভাত নেই
টাকা চায় মহাজন
এনজিও নাম নিয়ে
কারা এই অভি-জন?

এনজিও ব্যাবসা
কাবুলীর ঢঙ্গে
ভালোইতো জমেছে
আমাদের বঙ্গে!!
(adnansyed1@gmail.com)

